



Inatsisartunut ilaasortaq  
Michael Rosing, Demokraatit  
/ maani

**Akissut: § 37 tunngavigalugu apeqqutit, 110-2014**

04-06-2014

Sags nr. 2014-100011

Dok. nr. 1596961

Asasara Michael Rosing

Naalakkersuisut apeqquteqaatit matuma ataani akissuteqarfingineqartut qujassutigaat.

**1. Kalaallit Danmarkimi ilinniagaqartut, danskit SU-annik pisartagaqartut  
sinaakkutimikkut ilanngaanneqartarpal, Kalaallit Nunaanni siusinnerusukkut  
ilinniakkaminnik naammassinnissimagunik?**

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: iiknn@nanoq.gl  
www.nanoq.gl

Akissut:

Aap.

**2. Naalakkersuisut pilersaarutiginerlugu ilinniarnermik qiorqartakkanut  
malittarisassanik allanngortitsiniarlutik, ilinniartut sinaakkutimikkut  
ilanngaavagineqarsinnaajunnaarsillugit, allamik ilinniakkaminnik siusinnerusukkut  
naammassinnissimagunik?**

**3. Taamaanngippat, Naalakkersuisut isumaqarnerlutik, ilinniartut  
qaffasinnerusunik ilinniarsinnaassangitsut, ilinniakkamik ataatsimik  
naammassisqaareersimagunik?**

Apeqqutinut 2 aamma 3-mut akissutit:

Naalakkersuisut siullertut erseqqissaatigissavaat ilinniagaqartut inuussutissarsiutinut  
ilinniakkamik naammassinnissimasut tamakkiisumik  
ilinniagaqarnersiuteqarsinnaammata, ingerlaqqiffiusumik ilinniagaqarnissaminnik  
kissaateqarsimagnik. Taamaattumillu taamaallaat siusinnerusukkut ingerlaqqiffiusumik  
ilinniakkamik ingerlatsisimanermiit qiorsinerit atorneqarsimasut qiorqartakkami  
ataatsimoortumi ilanngaatigineqartussaallutik.

Ilinniagaqarnersiuteqarnermut qiorsinerit qassiunissaat ilinniagaqarnersiuteqarnerup  
kiisalu kollegianut tunngasumik nalunaarutip nutarterlugu aaqqissuussiffigineqarnissaani  
aggersumi ilaatinneqassapput.

Ilinniagaqarnersiuteqartitsisarnermik aaqqissuussinerup siunertat arlaqartut  
isumagisussaavai. Inuiaqatigiit ataatsimut isigalugit ilinniagaqarnersiutit kikkut tamat  
ilinniagaqarnissaminnut periarfissaqarnissaannut periarfissaqartitsinermi  
aqquqtiisueqataassapput, isumannaassallugulu inuiaqatigiinni amerlanerujartuinnartut

*imminnut pilersortunngornissaannut periarfissaqartilernissaat, ilinniagaqarnikkut fagitigut piginnaasassanik pissarsiortortarnermikkut.*

*Inuaqatigiinni oqimaaqatigiissumik aningaasarsiornermut atatillugu taamaattumik pingaaruteqarpoq inuit inuussutissarsiuutsigut ilinniakkamik piginnaanngorsaaffiusumik ingerlatsisimasut suliffeqarnermik ingerlatsisuunissaat, taamalu inuaqatigiinni pilersueqataanissaat, taamaaliornermikkullu "utertitsillutik" akiliuteqartarlutik inuaqatigiit ilinniakkamut akilersimasaannut atatillugu. Tamatuma ersersippaa pisariaqartoq ersarissunik killissaqarnissaa qiorsinerit qanoq amerlatigisut ingerlaqqiffiusumik ilinniakkamut atortinneqarsinnaanissaannut.*

*Tamatumalu illuatungaani Naalakkersuisut akuersarpaat inuaat kissaatigimmassuk inuuneq naallugu ilinniagaqarsinnaaneq, tamannalu tapersorsorniarlugu.*

*Taamaattumik Naalakkersuisut oqaatigineqartutut kissaatigaat apeqqutip tamatuma iluarsaaqqinnissami aggersumi ilaatinneqarnissaa, tamatumunngalu ilanggullugu ilinniagaqaqqinnermiit periarfissat allat ilanggullugu oqallisigineqarnissaat nalilersorneqarnissaallu, gruppinit siunneriusunut ingerlaqqiffiusumik ilinniagaqarsinnaanermut qiorartakkanik tamakkeereersimasunut tunngatillugu. Assersuutigalugu ilinniagaqarnermut atatillugu attartorsinnaanermut periarfissap annertusisap gruppinit taakkununnga atortinneqarsinnaaneranut periarfissat eqqarsaatigalugit.*

*Naggasiullugu erseqqissaatigineqassaaq ingerlaqqiffiusumik ilinniagaasinnaasut amerlasuut piffissami sivisunerusumi fagitut ataasiakkaatut ilinniarneqarsinnaammata. Taamaattumik periarfissaqarpoq inuussutissarsiummik ingerlatsiutigaluguni, taamalu imminut pilersortuuujutigaluni ingerlaqqiffiusumik ilinniakkamik ingerlatsisinnaaneq.*

Inussiarnersumik inuullaqqusillunga

Nick Nielsen